

HIZKUNTZA POLITIKA NAFARROAN

Hizkuntzak baloratzeko dekretua ere baliogabetu du Auzitegi Nagusiak

Gobernuak onartu zuen frantsesa, alemana eta ingelesa deialdi guztietan baloratzea

Alberto Barandiaran | IRUÑEA

Nafarroako Justizia Auzitegi Nagusiak bertan behera utzi du hizkuntzak baloratzeko Nafarroako Gobernuak 2001eko otsailaren 5ean onartutako foru dekretua. Dekretu horren arabera, alemana, frantsesa eta ingelesa euskara baino gehiago baloratuko lirakeke administrazioan sartzeko.

Epaileek uste dute dekretu hori eta otsailaren 9koa —administrazioa deialdietan aplikatu beharreko merezimenduen baremoak ezartzen zuela— «ordenamendu juridikoaren aurkakoak» direla. Epaiak berak dio ezin dela inolako helegiterik jarri.

Europako Batasuneko hizkuntzak bai, euskara ez

Nafarroako Gobernuak foru dekretua onartu eta bi hilabetera argitaratu zuen administrazio-ko lanpostuetarako hizkuntzen balorazioaren dekretua. Bertan, «Europako Batasuneko hizkuntzak» —horien artean aipaturiko hirurak bakarrik sartu zituen Gobernuak— administrazioan sartu nahiz lanpostuak betetzeko deialdi guztietan baloratzea onartu zen. Euskara, ordea, «bidezko den kasuetan» soilik.

Hala, baita euskara «bidezko» zenean ere, ingelesez eta alemanez zekien edonork euskaldunak baino puntu gehiago lor zezakeen, Ogasuneko leihatilan egon edo Leitza basozain aritzeko.

Martxoan, gero, jakin zen Hizkuntza Politikako Zuzendaritzak berak inkesta egin nahi



LANDER F. ARROIAE / ARGAZKI PRESS

Barañainen, foru dekretuari ez

Barañaingo hainbat gizarte talde, alderdi politiko, guraso, irakasle eta euskalgintza inguruko erakundeek elkarretaratzea egin zuten atzo arratsaldean Udaletxe plazan, Nafarroako Gobernuak onartu nahi duen euskararen dekretuaren aurka agertzeko. Nafarroako Gobernuak euskararekin duen politika salatu zuten elkarretaratzean bildu-

takoek, baita dekretuaren mamia bera ere, «Nafarroako gizarteko gehienek euskararen normalizazioaren alde azaldu duten borondatearen kontrako eraso bortitza delako». Deialdian parte hartu zutenen ustez, aipaturiko borondatea zapuzteko eta normalizazio bidean eman diren aurrerapausoak trabatzeko lege hesia da dekretua.

zuela, hiru hizkuntza horien egoera «zertan den» jakiteko. 72.200 euro gastatu zituen Zuzendaritzak lan horretan.

Helegitea, «arautzeko sukarrari galga jartzeko»

Euskara Kultur Elkargoak martxoaren 2an erabaki zuen helegitea jarriko zuela foru dekretuaren eta, ondorioz, onartuta-

ko ekintza planen eta erabakien aurka, «UPN menderatu duen arautze sukarrari galga jartzeko».

Helegitea aurkeztu zuenean, Elkargoko abokatuek ohartarazi zuten forma akatsek ere bertan behera utz zezaketela dena, eta hala gertatu da azkenean. Horrezaz gain, Gobernuaren erabakiek langileen eskubideak

murritzitu eta funtzionarioen eskubideen kontra jotzen zutela arrazoitu zuen Elkargoak, baita egoera soziolinguistikoa ez zela errespetatzen ere.

Euskara Kultur Elkargoak ontzat jo du Nafarroako Justizia Auzitegi Nagusiaren azken erabakia, eta epaiak berak dituen ondorio juridikoez ohartarazi nahi izan du.

ONDORIOAK

«Gobernuaren zuzenbideko jarrera antisoziala»

Bata bestearen atzetik bere hizkuntza politika kritikatzeko eta baliogabetzeko ari diren erabaki juridikoak ez betetzeko, aitzakia-maitzakia ari da Gobernuak. Eta hori nola betearazi da, orain, helegiteak aurkeztu dituztenen kezka nagusietako bat.

Joan den ostiralean Nafarroako Gobernuak prentsa oharra kaleratu zuen, esanez Justizia Auzitegi Nagusiak baieztatu zuela dekretua indarrean zegoela. Euskara Kultur Elkargoak jakinarazi du, ordea, soilik epaia behin-behinean betearaztea ukatu zuela, eta hori ez zuelako epaia betearazteko legeko aukerarik ikusten. Elkargoa bera erregu errekurtsioa prestatzen ari da erabaki horren aurka.

Atzo jakinarazitako erabakiaren arabera, berriro aitzakia bila ez ibiltzeko eskatu dio Elkargoak UPNko gobernuari. Erabakiaren aurka beste helegite bat aurkeztzen bada, hori «asmo txarreko ekintza» izango dela esan du Elkargoak, «agerian geldituko delako Gobernu hau erakusten ari den zuzenbideko jarrera antisoziala».

«Nafarroako Gobernuak ofizioz aztertu eta berriz planteatu beharko ditu, hemendik aurrera, foru dekretuaren irizpideen arabera lanpostuak betetzeko egindako deialdi publiko guztiak, denek jaso dituztelako helegiteak, hala sindikatuek nola banakoek jarrita». Epaiak berak dio afera «behin betiko epaitua» dagoela.

Hizkuntza politika Parlamentuan arbuiaztzea nahi du Ezker Independentistak

Erredakzioa | IRUÑEA

Igor Arroyo legebiltzarkide independentistak Nafarroako Gobernuaren hizkuntza politika gaitzesteko proposamena aurkeztu du Parlamentuan, Euskararen Kontseiluaren osaera eta komunikabideen diru laguntzarako deialdi berria direla eta.

Astelehenean sartutako ebazpen proposamenaren bidez hizkuntza politika errefusatzeko nahi du parlamenta-

riak. Mozioak dio Euskararen Kontseilurako izendapenak ez direla «zuzenak», eta diru laguntzarako deialdia «hainbat komunikabide baztertzeko espresuki egina dela».

Lagunaren erantzuna, «oso eskasa»

Parlamentariak arrazoitu du azaroaren 21eko osoko bilkuran interpelazioa egin zitzaioela Jesus Laguna Hezkuntza eta Kultura kontseilariari, hain zuzen ere, Euskararen Kon-

tseiluaren izendapenen inguruan, baina erantzuna «oso eskasa» izan zela. «Ez zuen erantzunik eman, ez zuen azaldu zer-nolako merituak zituzten Kontseilurako izendatutakoek. Gobernuak quoruma zergatik aldatu zuen ere ez zuen azaldu», azaldu zuen.

Halaber, komunikabideentzako aurtengo deialdian «amarruak» erabiltzen direla azpimarratu du Arroyok, «euskarazko komunikabide nagusiei diru laguntzak ukatzeko asmoz».

Parlamentariak gogorarazi zuen zuzendari nagusiak inputatu gisa deklaratu behar duela, hain zuzen ere, iazko diru laguntzen banaketarengatik.

Aldi baterako deialdietan ez da baloratu behar euskara, epaileek diotenez

Erredakzioa | IRUÑEA

Nafarroako Administrazio Gaietarako Auzitegiak erabaki du aldi baterako kontratazioa ez dela Funtzio Publikoan sartzeko eta, beraz, ez dela nahitaez baloratu behar euskaraz jakitea.

Administrazioan Euskaraz taldeak aurkeztutako helegiteari erantzunez, auzitegiak ez du ontzat hartu Joaquin Maya Musika Eskolarako bi irakasleren aldi

baterako lanaldi kontratazioaren aurkako argudioa, eta euskara baloratzea Funtzio Publikorako lanpostuetan soilik onartu behar dela ebatzi du.

Administrazioan Euskaraz taldearentzat, «interpretazio murritza» egin dute epaileek, «Euskararen Ordenantzek ez baitute bereizketa hori egiten». Halaber, aldi baterako kontratazioak, Iruñeko Udalean, %40 inguru direla gogoratu du.